



UNIVERSITÄTS-
BIBLIOTHEK
PADERBORN

Universitätsbibliothek Paderborn

Poemata Ferdinandi Episcopi Monasteriensis Et Paderbornensis, S. R. I. Principis, Comitis Pymontani, Liberi Baronis De Furstenberg

Ferdinand <Paderborn, Bischof, II.>

Parisiis, 1684

Ad Natalem Rondinium. Jocus.

urn:nbn:de:hbz:466:1-7748

Humanitatis sæpius tuæ fructum
 Expertus, oro, teque rursus obtestor,
 Ocius amici supplices preces nostri
 Recites. Quiritum namque fata formidans,
 Acerba fata, sospes ad suos Boios
 Avet redire, carbasisque remisque
 Fugæ secundos provocantibus ventos
 Per arva late vectus alta Neptuni
 Adire litus hospitale Gallorum.
 At Vaticanæ dona nunc potestatis,
 Cui paret æther, inferique, tellusque,
 Tantum requirit. impios canis prægnans,
 Parræque cantus, montibusque decurrens
 Lupa Lanuvinis, imbriumque divina
 Avis imminentum terreat: quid huic obstet,
 Iterque rumpat, si, quod unice poscit,
 Cursus precetur prosperos ALEXANDER.

AD NATALEM RONDININUM.

JOCUS.

Q UOD utrique nostrum commodavit argen-
 tum
 Ad vestiendum Græculum Favoritus,
 Cur, RONDININE, debuisse me solum
 Reglutinare judicas, minus recte
 In me retorquens negligentiaæ culpam?
 Debere nulli me libentius novit
 Idem ille, semper qui mihi Favoritus

P